

## ZAPISNIK

### sa 05. sastanka Privrednog savjeta Grada Zenica

Sastanak je održan 21.12.2016.godine s početkom u 13.00 sati u Maloj sali Gradske uprave Grada Zenice (II sprat).

Sastanku su prisustvovali (spisak u prilogu zapisnika). Sastanku nisu prisustvovali: Mirsad Čizmo, Mirsad Heleg; Esad Džananović, Jusuf Duraković.

Dnevni red:

1. Usvajanje odluke o izmjeni i dopuni Poslovnika o radu Privrednog savjeta Grada Zenice
2. Inicijativa Udruženja Poslodavaca za otvaranje ulica u centru Grada Zenica za saobraćaj motornih vozila
3. ILO projekat – Lokalna partnerstva za zapošljavanje
4. Anketiranje privrednog sektora
5. Olakšice za investitore

#### UVOD

- Gradonačelnik Fuad Kasumović, u svojstvu Predsjedavajućeg, je u uvodnom obraćanju pozdravio sve pristune. Naglasio je od Privrednog savjeta očekuje inicijative koje će pomoći i gradskoj upravi a i samim privrednicima. Zamolio je da se dostave prijedlozi koji će doprinijeti privlačenju novih investicija, a koji neće ugroziti finansijsku stabilnost gradskog budžeta. Napomenuo je da su vrata kabineta otvorena za privrednike Grada Zenice. Gradonačelnik je najavio i reformu javne uprave, koja će podrazumijevati i formiranje posebnog sektora za pronalaženje dostupnih evropskih fondova.
- Dnevni red je usvojen jednoglasno.
- Vukica Marjanović-Suljić je zamolila da se na narednoj sjednici Privrednog savjeta diskutuje o zaključcima sa okruglog stola „Smetovi danas- Smetovi sutra“.

#### Ad.1

- Selver Keleštura je prisutne upoznao o izmjeni i dopuni Poslovnika o radu Privrednog savjeta Grada Zenice, na osnovu preporuka iz preeliminarnog izvještaja evaluacione komisije BFC certifikacije.
- Senaida Turkić je zamolila za diskusiju u vezi sa članom 14. Poslovnika o radu Privrednog savjeta koji se tiče prava zamjene članova Privrednog savjeta.
- Selver Keleštura je pojasnio da lica koja mijenjaju članove Privrednog savjeta nemaju prava glasanja i da se ovim članom osigurava kontinuitet u radu Privrednog savjeta.
- Vukica Marjanović-Suljić je također konstatovala da neće biti u prilici da prisustvuje svakoj sjednici Privrednog savjeta i da uistinu treba postojati opcija zamjene, upravo radi kontinuiteta u radu Privrednog savjeta.
- Mladen Perić je dodao da kontinuirani izostanak pojedinih članova mora rezultirati zamjenom tih Privrednog savjeta.



- Nakon diskusije ova tačka dnevnog reda je usvojena jednoglasno.

## Ad.2

- Nakon najave Inicijative Udruženja Poslodavaca gradonačelnik je dao riječ predstavnicima Udruženja Poslodavaca da obrazlože podnijetu inicijativu.
- Sekretar Udruženja Poslodavaca Nedžad Jusufhodžić je kazao da je inicijativu za otvaranje ulica u strogom centru Grada Zenice (ulica Alije Izetbegovića – od Kamenog mosta do kružnog toka kod „RK Bosna“ i ulice Muhameda Seida Serdarevića – cijelom dužinom) za saobraćaj motornih vozila potpisalo 66 vlasnika preduzeća/obrta, a da je podršku dalo i JP Parking Servis d.o.o. Zenica. Kazao je da je nepostojanje parkinga u centru Grada rezultiralo veoma malom privrednom aktivnošću u „Staroj čaršiji“. Shodno tome, prijedlog je da se Trg Alije Izetbegovića pretvori u jednosmjernu ulicu, kako bi jedna traka služila sa saobraćaj vozila, a druga koristila za uređenje parking prostora.
- U raspravi su učestvovali:
- Vukica Marjanović-Suljić je kazala da je Forum Građana Grada Zenice protiv inicijative i mišljenje je, nakon razgovora sa većinom članova Foruma Građana, da građani Zenice, i stari i mladi, neće prihvatiti ovu inicijativu.
- Mladen Perić je kazao da se kvalitet svakog grada ogleda u broju šetališta, ali isto tako da Trg Alije Izetbegovića ima veoma široke trotoare za kretanje pješaka. Dodao je da Kamberovića polje posjeduje veliki prostor sa pješačkim stazama i šetalištem uz tok rijeke Bosne. Interes poslodavaca je da se ta ulica otvori kako bi centar grada oživio. Napomenuo je da je ova inicijativa već bila na Općinskom vijeću i da je mišljenja da je to tema za Privredni savjet.
- Senaida Turkić je naglasila da je odrasla u gradu Zenici, te da je 80-im godinama šetalište obuhvaćalo prostor od Kamenog mosta do „Carine“. Mišljenja je da na trotoarima Trga Alije Izetbegovića ima dovoljno mjesta za pješake te da JP Parkinzi d.o.o. Zenica može otvoriti novih 100 parking mjesta, koji mogu generisati godišnji prihod od 500.000KM. Smatra da je otvaranje te ulice vrijedno žrtve zbog postojanja Kamberovića polja.
- Senad Džanić je kazao da se može naći kompromisno rješenje, odnosno da ulica može biti otvorena tokom dana, a zatvorena u večernjim satima.
- Gradonačelnik je kazao da stari dio Grada treba aktivirati. Najavio je da će u ponedjeljak, 26.12.2016., imati zajednički sastanak sa arhitektima koji će reći svoje mišljenje. Njihov zadatak će biti da urbanistički definiraju prostor od kružnog toka kod „RK Bosna“ do Kamenog mosta te od Kineskog zida do obale rijeke Bosne. Namjera je da se ukinu sva parking mjesta na trotoarima, koja onemogućavaju kretanja građana, a zamjene izgradnjom podzemnih garaža primjenom javno-privatnog partnerstva. Projekat urbanističkog rješenja će ipak najbolje definisati sadržaje za revitalizaciju starog dijela grada.
- Gradonačelnik je predložio da se o ovoj inicijativi ne odlučuje danas. U proces odlučivanja je neophodno uključiti i Komisiju za bezbjednost saobraćaja, prije nego se donese konačna odluka. Mišljenja je da će arhitekta ipak dati najbolje prijedloge za revitalizaciju „Stare čaršije“.
- Semira Karić je kazala da je ulica Muhameda Seida Serdaravića mnogo lakša za riješiti po pitanju otvaranja saobraćaja. Ulice Alije Izetbegovića se već 20 godina nalazi u planskim aktima kao Trg Alije Izetbegovića, iako ima samo obrise trga. To je zvanični naziv. Otvaranje trga za promet vozila za sobom povlači procedure, odnosno izmjene akata te podliježe javnoj raspravi. Slaže se da je nepostojanje parkinga veliki dio problema ali da je najbolje razmotriti mogućnost otvaranja ulice Muhameda Seida Serdarevića za saobraćaj i izgradnju parking



mjesta u dijelu gdje se sada nalaze visoki trotoari. Naglasila je da inicijativa dobra jer će pokrenuti niz aktivnosti.

- Gradonačelnik je dodao da se dio ulice može pretvoriti u parking mjesta u staroj čaršiji, ali da ne treba ništa ishitreno raditi bez konsultovanje struke.
- Svi prisutni su se složili da konačnu odluku treba donijeti nakon konsultovanja struke.

### Ad.3.

- Nakon najave ove tačke gradonačelnik je dao riječ Senadu Pašaliću koji je pozdravio sve prisutne i čestitao na prihvatanju konceptnog prijedloga, koji je usaglašen na prethodnoj sjednici Privrednog savjeta. Prisutne je upoznao da je na adresu ILO projekta pristiglo 157 konceptnih prijedloga od čega je samo 48 odobreno za drugi krug, odnosno za izradu pune aplikacije. Kazao je da je koncept našeg zajedničkog projekta baziran na osnovu potreba za zapošljavanje i samozapošljavanje, pri čemu je fokus na formiranju održivog partnerstva. Partneri projekta su bili uslovljeni javnim pozivom, a Grad Zenica je uzeo ulogu vodećeg partnera. Razlog tome je obavezno sufinansiranje projekta, koje će biti prikazano kroz sredstva koja se planiraju za izdvajanje u oblast poljoprivrede. U slučaju pozitivne ocjene finalne aplikacije, projekat će rezultirati sredstvima od 195.000 eura za razvoj poduzetništva, zapošljavanja i samozapošljavanja. Imajući u vidu da je rok za dostavu pune aplikacije veoma kratak (30.01.2016.) a i u vrijeme godišnjih odmora, predložio je da se formira projektni tim od predstavnika svih partnera, uz napomenu da će kao predstavnik Agencije ZEDA zajedno sa Amrom Mehmedić iz gradske uprave preuzeti sav fizički dio posla. Napomenuo je da će se početkom januara inicirati zajednički sastanak svih partnera, kako bi se definisale zajedničke aktivnosti, uloge partnera i budžet projekta. Cilj projekta je uspostaviti institucionalnu održivost između partnera (Grad Zenica, Agencija ZEDA, Udruženje Poslodavaca, Tehnička škola u Zenici, Univerzitet u Zenici, preduzeće Pero d.o.o. Zenica, preduzeće Almy d.o.o. Zenica i Braća Karić d.o.o. Zenica), odnosno unaprijediti međusobnu komunikaciju. Ideja je da se radna verzija projekta završi do 15.01.2017. godine
- Gradonačelnik je kazao da sva preduzeća moraju biti obavještena o svim aktivnostima, kako bi svi imali ravnopravnu šansu da sudjeluju u budućim projektima. Zadatak je da svi budu informisani.
- Mladen Perić je iznio bojazan da će uključivanje velikog broja ljudi u pripremi aplikacije usporiti cijeli proces i naglasio je da važno da Amra Mehmedić i Senad Pašalić nastave zajednički raditi.
- Gradonačelnik je bio saglasan sa predloženim kao i svi ostali prisutni.

### Ad.4.

- Gradonačelnik je zamolio Amru Mehmedić da obrazloži četvrtu tačku dnevnog reda
- Amra Mehmedić je prisutna upoznala da je proces BFC certifikacije još uvijek u toku. Nekolicina preporuka za različite kriterije zahtjeva anketiranje privrednog sektora, primarno u svrhu identifikovanja potreba za radnom snagom. Zamolila je prisutne da daju svoje sugestije na sadržaj predložene verzije upitnika, koji su dobili sa ostalim materijalima za sastanak, kako bi čim prije distribuirali anketu svim preduzećima. Kanali distribucije upitnika će biti utvrđeni nakon izrade finalnog upitnika.
- Senaida Turkić je kazala da je upitnik dobar ali da će Udruženje Poslodavaca u utorak, 27.12.2016. godine, održati sjednicu Upravnog odbora i tom prilikom dati finalne sugestije poslodavaca.

- Usaglašeno je da će komentari na upitnik biti dostavljeni putem e mail-a najkasnije do srijede, 28.12.2016. godine.

Ad.5.

- Gradonačelnik je obavijestio prisutne da je tokom sedmice obavio razgovore sa bankom i dogovorio da će budžetom biti planira sredstva za subvenciju kredita za privrednike. Kratkoročni krediti će biti dostupni sa kamatom od 0,9% a dugoročni krediti sa kamatom od 1,9%. Ukupan iznos dostupnih sredstava će biti 40 miliona konvertibilnih maraka.
- Amra Mehmedić je prisutne obavijetila da su u materijalima dobili informaciju o sadašnjim olakšicama za investitore koje je nužno ažurirati u sklopu BFC certifikacije a i za potrebe vodiča za investitore
- Gradonačelnik je pozvao sve pristune da dostave svoje prijedloge a da će u narednom periodu biti govora i na temu komunalnih naknada, KGZ-a i UGZ-a

**Sastanak završen u 14:15.**

Službenu zabilješku sastavila:

Amra Mehmedić  
Služba za ekonomske odnose i  
poduzetništvo

Predsjedavajući Privrednog savjeta  
Gradonačelnik

Fuad Kasumović

